

Herrn Pastor sien Kauh



Kennt ji all dat nige Leed, nige Leed, nige Leed,
Wat dat ganze Döörp all weet, von Herrn Pastor sien Kauh?

*Refrain: Sing man tau, sing man tau, von Herrn Pastor sien Kauh, jau, jau.
Sing man tau, sing man tau, von Herrn Pastor sien Kauh!*

2. Ostern weer se dick un drall, dick un drall, dick un drall,
Pingsten leeg se dod in'n Stall, Herrn Pastor sien Kauh! *Refrain*
3. As se weer in Stücke sneeden, Stücke sneeden, Stücke sneeden,
Het dat ganze Döörp wat kreegen, von Herrn Pastor sien Kauh! *Refrain*
4. Jochen Steif, de Treinsuldat, de Treinsuldat, de Treinsuldat,
Kreeg een Pott voll Mulsalat, von Herrn Pastor sien Kauh! *Refrain*
5. Un de Köster Dümelang, Dümelang, Dümelang,
Kreeg den Stert as Klockenstrang, von Herrn Pastor sien Kauh! *Refrain*
6. Un de ole Englisch-Miss, Englisch-Miss, Englisch-Miss,
Kreeg een nieget Teihgebiss, von Herrn Pastor sien Kauh! *Refrain*
7. Un de ole Stadtkapell, Stadtkapell, Stadtkapell,
Kreeg en nieget Trummelfell, von Herrn Pastor sien Kauh! *Refrain*
8. Un uns niege Fűrwehr, Fűrwehr, Fűrwehr,
Kreeg en Pott voll Wagenmeer, von Herrn Pastor sien Kauh! *Refrain*
9. Un de Schriever Negenkloog, Negenkloog, Negenkloog,
kreeg en nieget Anschriebbook, von Herrn Pastor sien Kauh! *Refrain*
10. Vun den Buern sien drie Göörn, sien drie Göörn, sien drie Göörn,
kreeg jedereen en vun de Höörn, von Herrn Pastor sien Kauh! *Refrain*
11. Un de ole Smittgesell, Smittgesell, Smittgesell,
kreeg en nieget Schörtenfell, von Herrn Pastor sien Kauh! *Refrain*
12. Fru Pastor ehr Muschikatt, Muschikatt, Muschikatt,
harr woll verteihn Dag noch wat, von Herrn Pastor sien Kauh! *Refrain*
13. Un de Hoffhund Watermann, Watermann, Watermann,
mook sick an de Knaken ran, von Herrn Pastor sien Kauh! *Refrain*
14. de Optiker Hans Henning Ploog, Henning Ploog, Henning Ploog,
kreeg för sien Brilln ´n Lins vun´t Oog, von Herrn Pastor sien Kauh! *Refrain*
15. Dat rechte Oog, ik hebb´t vergeten, hebb´t vergeten, hebb´t vergeten,
dat hebbt , ik gleuw, de Swien opfreten, von Herrn Pastor sien Kauh! *Refrain*
16. De malle Moler Seidelbast, Seidelbast, Seidelbast,
kreeg ´n niegen Molerquast, von Herrn Pastor sien Kauh! *Refrain*
17. De Schoster keem un hool de Huut, hool de Huut, hool de Huut,
mook sick Poor niege Stebels ut, von Herrn Pastor sien Kauh! *Refrain*
18. Trina pett mit ehre Hacken, ehre Hacken, ehre Hacken,
in een groten Dunnerkacken, von Herrn Pastor sien Kauh! *Refrain*
19. Sleswig-Holsteen, meerumslungen, meerumslungen, meerumslungen,
hannelt nu mit Ossentungen, von Herrn Pastor sien Kauh! *Refrain*
20. De Mekelborger leit nich slapen, leit nich slapen, leit nich slapen,
se sett den Kopp in´t Lanneswappen; von Herrn Pastor sien Kauh! *Refrain*
21. Un de ole Neihkatrin, Neihkatrin, Neihkatrin,
kreeg den Kopp as Neihmaschin von Herrn Pastor sien Kauh! *Refrain*
22. Doch dat Leed is man ers half, man ers half, man ers half,
in ´n Stall dor steiht jo noch een Kalf, von Herrn Pastor sien Kauh! *Refrain*